



اسلامك نفعنه خادم مقالات
مع التشكر قبول ونشر اولونور
يازانك شخصيق دكل، يازينك اهميتي
نظردقته آئينير .
كلن بازياردن شايان قبول كورولنلر:
تاييخ ميراسيله درج ايديليير .

مخمس

۱۳۳۸

علمی، ادبی، اجتماعی و تہذیبی
شہری مجموعہ

۱۳۴۱ ربیع الاولانہ مخصوص نسخه

عدد: ۲۹

ادارہ خانہ سی: آفسرایدہ
ملا کورانی محلہ سندھ مہتر
سوقاغندہ ۳ نومرولو خانہ

مرکز توزیعی:
باب عالی جادہ سندھ (اتحاد
تجارت) کتب خانہ سی

آبونہ بدلی:
سنہ لکی ۱۲۰ غروش
آلتی آلتی ۶۰
اوج آلتی ۳۰

جلد: ۳

مذہبات:

مخمس دینی و علمی: تستر وقادینلرک ارککار ایله اختلاطی — اسکلیلی عاطف افندی . علوم ریاضیہ و علم ہیئت
محمد عزت بک . تستر مسئلہ سی ناصل حل ایديليير — فکری بک . احمدیہ حرکاتی
حقنندہ نوطلر — سعود بک .

مخمس تاریخی: طاهر المولوی . ام ایمن وام عمارہ — طاهر المولوی . احد وجرء الاسد غزوہ لریلہ حرب
عمومی و ظفر اخیر — طاهر المولوی . شیخ عثمان شمس افندی — حسین و صاف بک .
غزوہ نجات — احمد شیرانی افندی . عونی بک مرحومہ دثر — بسم بک . معبدہ کی سسلر
مخمس ادبی: فخر النساء کمال بک خانم

تبریک

اون ایکنجی کیجہ سی لیلہ سعادت پیغمبری یه
شرفصادف اولان شرحال ایله اونی تعقیب ایله یه جک ایام
وایالک امت مرحومہ محمد حقنندہ متین اولاسی الطاف
جلیلہ سبحانیہ ده متمنادر .

مخمس دینی و علمی:

۲

تستر وقادینلرک ارککار ایله اختلاطی
اولکی مقالہ ده تسترک برنجی نوعنه دائر احکام
شرعیہ عریض و عمیق بیان اولنمشدی .
بومقالہ ده ده تسترک ایکنجی نوعنی و بوکا عائد
احکام شرعیہ بی مفصلاً بیان ایتمک ایسترم:
سورہ (احزاب) ک اوتوز اوچنجی (و قرن

فی سیوتکن ولاتبرجن تبرج الجاهلیۃ الاولى =
اولریک زده دوریکیزه قبل الاسلام، ایام جاهلیہ ده کی
کفار قادینلری کی سوسله نوب سوقاغه چیقہ رق
بیانجی ارککار ایله اختلاط و آنلره اظهار زینت،
ابراز محاسن ایتمک اوزره صالنه رق کزیمیکز
آیت جلیلہ سیله سورہ مذکورہ نک اوتوز بشنجی
(واذا سألتموهن متاعاً فاسئلهن من وراء حجاب
ذلکم اطهر لقلوبکم وقلوبهن = ازواج طاهرات
نبویه دن برشی ایستدیکز زمان پوده آرقه سنندن
ایستیکیزه، ایشته بوسرک ایله آنلرک قلبری ایچون
وساوس شیطانیه و عوارض فتنه دن الکابی تمیز لکدر)
نظم مینی ایله مسلمان قادینلرینک محرملری اولیان
ارککار ایله بلا ضرورہ اختلاط لری منع اولنوب
ایکنجی نوع تستر فرض قیلنه رق دین جلیل اسلام

کیمسەر (۱۱) هنوز مراهق و بالغ اولیان چو جقار
(۱۲) داییلر (۱۳) عمو جهلر [*].

آیت جلیله مذکورہ مقتضای سنجہ ایشته بو
اون اوچ صنف ارککله قادینلرک اختلاطلری، هم
زینت ظاهره، هم ده زینت باطنه محل و موضعلری
ابدا و اظهار ایتلری خصوصه مساعده ایدلمشدر .
چونکه بین المحارم زیارت، خدمت و دها بشقه
مصلحت ایچون طاعه مخالطه بالضروره ثابت و واقع
اوله جفتدن قادینلرک زینت ظاهره و زینت باطنه
موضعلری کشف و اظهاردن بلا حرج حفظ
و صیانت ایتلری متعذردر . دین مین اسلامده
حرج مدفوع اولدیغندن بین المحارم زینت باطنه نک
کشی حلال قیلندقدن بشقه گرک زینت ظاهره
و کرک زینت باطنه مواضعنه محرم اولان ارککلرک
بلاشهوه نظر ایتلری ده حلال قیلنمشدر .

ارککلرک محرملری بولنان قادینلرک یالکیز
یوزلرینه، باشلرینه، قوللرینه، کوکسلرینه،
باجاق و آیقلرینه باقلری شرعا جائز اولدیغنی کبی
بر حاجت ایچون اعضای مذکورہنی حائلسز اوله رق
بلاشهوه مس ایتلری ده جائز و حلالدر . زیرامثلاً
اشنای سفرده برارکک محرمی اولان قادینلری ارکاب
وانزاله مجبور اولدیغندن مواضع مذکورہلری
مس ایتمه نک متعذر اولور . برده غیر محرم اولان
قادینلرک زینت ظاهره و باطنه موضعلری نه نظر ایله
مسک شرعاً حرام قلمسی وسیله فحش اولان
شهوت حصولندن حذر ایچوندر .

حالبوکه محرم اولان قادینلرک مواضع
مذکورہلری نه نظر و مس ایتک طاعه حصول شهوت
ایچون دکل، شفقت ایچون اولور .

شوقدر کداعی شهوت اوله جنی محقق و یا محتمل

[*] عمر جهلر ایله داییلر بابا منامنده بواندقلرندن

(آباء) مفهومنده مندمجدر .

طرفندن طادات جاهلیه دن بریسی دها هدم و رفع
اولنش و بعدالاسلام فسق و فجور سببیه ایام جاهلیه
اولی ده جاری اولان اعتادات قبیحه بی احیا ایله
جاهلیت اخیری دوزی احداثه یعنی یکی بردهوه
جاهلیه کشاد ایدلمسی شدیداً منع ونهی ایدلمشدر .
بیان اولنان نصوص قرآنیه ظاهراً ازواج مطهرات
نبویه به تخصیص اولتمقده ایسه ده یا ازواج مطهراته
تبعا و یا خود خاصی ذکر ایدوب عامی اراده قیلنمدن
مجاز اوله رق حکمی سائر مسلمان قادینلرینه ده
طام و شاملدر . بناء علیه دیانت اسلامییه بی قبول
ایلین هر قادین نصوص مذکورہ نک حکمی تحتند
داخلدر .

سوره (احزاب) ک بالاده مذکور اوتوز
بشنجی آیت جلیله سی نازل اولدیغنی زمان بابا و اوغل
کبی ذی رحم محرمدن بولنانلر رسول اکرم اقدسزه
مراجعت ایدوب (یا رسول الله اجانب کبی برلده
قیزلریمز، انالریمز، قیز قرداشلریمز کبی محرمیز
اولان قادینلر ایله و رای حجابدنمی تکلم ایده جکز)
دییه سوال ایتمشدر . بونلره جواب اولوق اوزره
سوره (نور) ک اوتوز برنجی (ولایبیدن زیتنه
الالبعولتهن او آبائهن او آباء بعولتهن او ابنائهن او ابنا
بعولتهن او اخوانهن او بنی اخوانهن او بنی اخوانهن
اونسائهن او ماملکت ایمائهن او التابعین غیر اولی الاربه
من الرجال او الطفل لذین لم یظهروا علی عورات
النساء) آیت جلیله سی نازل اولوب محارم ایله اجانب
بینی تفریق و تمیز اوله رق قادینلرک اون اوچ صنف
ارککله اختلاطنه و آنلره قارشو چارشافسز بولنلری نه
رخصت ویرلمشدر که او ارککلر شونلردر :

(۱) ازواج (۲) آباء (۳) قائن بابالر (۴) ابنا

(۵) اوکی اوغللر (۶) قرداشلر (۷) ارکک

قرداشلرک اوغللری (۸) قیز قرداشلرک اوغللری

(۹) کوللر (۱۰) شهوتدن منقطع اختیار و عین

نظارت ایتملرنده بأس یوقدر . چونکه بو کبی معاملات دیناً ممنوع دکدر .

شونی ده عرض ایدهیم که : غیر محارمه اختلاط ایتمه ملک شرطیه کنج قادینلرک کندیلرینه مخصوص اولان محللرده کندیلری کبی قادینلردن و یا محارملری بولنان ارککلردن و یا شهوتدن کسلمش اختیار وعین کیمسه لردن علم ، صنعت تعلم ایتملرنده و کندیلرینه مخصوص اولان اعمالا تنجانه لرده اجرای صنعت ایتملرنده ممنوعیت شرعیه یوقدر .

مالعیدی وار اسکلبلی

همه عاطف

علوم ریاضیه و علم هیئت

ریاضیات ، ریاضی کله سنک جمعی اولوب علوم ریاضیه معنا سنه در . ریاض و ریاضه دن مأخوذ در . لغتده ریاض ، طوی طایلره باش او کرتیمک دیمک اولوب عقلی جبر و تذلیل ایله مسائل معلقه تک حلنه تأنیس ایتمک معناسیله علوم معلومه یه علم اوله رق تخصیص قلمشدر .

تعلیم و تربیه فکریه خدمتیه برابر ادله و براهینی قطعی اولمندن طولانی « علوم صحیحه » و یا خود برهانلری همان منحصرأ استدلال قیاسی شکنده بولمندن ناشی « علوم قیاسیه » ناملریلده یاد اولنور و بو علم ایله مشغول بولنان متخصصین و مدرسینه ده « ریاضیون » دینور .

« ریاضیات فکری قطعیت محاکاته ، تعبیر جائز ایسه یبوست تجربیدانه آیشدیرر . »

فلسفه علمیه

ریاضیات تعبیرینک فرانسزجه ده کی معادلی « Mathématiques » در . ماته ماتیک کلمه سی یونانجه « ماته ماتیکوس » تعبیرندن و اوده (بن بایرم) دیمک اولان « ماته سیس » کلمه سنندن مأخوذدر .

بولنورسه محارمی مس ، همده آنلره نظر شرعاً حرامدر . زیرا عن شهوة مس ونظر برنوع زنادر . بونک بین المحارم وقوعی ایسه ده شنیعدر .

بناء علیه دین جلیل اسلام قادینلرک اون اوج صنف ارککله اختلاطلرینه رخصت ویرمشددر . کرک تنها و کرک جمع فاس اولان محللرده بو اون اوج صنفدن بشقه ارککلر ایله قادینلرک اختلاطلری شرعاً ممنوع و حرامدر . شوقدر وار که ادای شهادت کبی احوال ضروریه ظهورنده ضرورتک ایجاب ایلدیکی مقدارجه اختلاطلرینه شرعاً رخصت ویریلوب مقدار مذکوردن فضله سی حرام قلمشدر .

شوحالده دین جلیل اسلامی قبول و آکا ایمان ایتمش اولان کنج قادینلرک یبانهی ، یعنی شرعاً آره لرنده نکاح جائز اولان ارککلر ایله خان ، اوتل ، آپارتمان ، مکتب ، درس خانه ، دوائر حکومت ، باغ ، باغچه ، مسیره ، چارشو و بازار کبی محللرده بلا ضرورت اختلاطلری شرعاً حرام و ممنوعدر .

زوجینک وقت وحالی مساعد دکل ایسه داخل بیه عائد خدمت زوجینک وظائفی جمله سنندن ایسه ده خارج بیه دائر خدمت اساساً قادینک وظیفه سی دکدر . بونکله برابر صروة و یا احتیاجه مبنی قادینلرک ازواج و محارملریله خارج بیه عائد امور و خدماته اشتراکلرینه شرعاً مساعد ویرمشددر . از جمله امور زراعتده قادینلرک زوجلرینه ، محارملرینه معاونتلرنده بأس یوقدر . آستر شرعی یه رعایت ایدمک ، فتنه و فساددن امین اولق شرطیه قادینلرک نهرلرده چاشور ییقاملرنده ، قیودن ، چشمه دن ، نهردن صو کتیرملرنده ، حیوانلرینی مرعایه سوق ایتملرنده ، مرعاده حیوانلری صاغمه لرنده ، باغ ، باغچه ، بستانلرینی اعمار و آنلره